

- turbati, erroris retibus involuti, proclives in libidines suas
 17. explendas, praecipitant in infernum impurum. Opinione
 de se elati, opibus, superbia, temeritate muniti, operantur
 nimirum sacris hi ad simulationem sanctitatis haud rite per-
 18. fectis; sui studio, violentiae, arrogantiae, libidini, ira-
 cundiae dediti, me in sua ipsorum aliisque personis perosi,
 19. obtrectatores. Hosce ego infensos *mihi*, atroces, infimos
 hominum in mortalitatis vicissitudinibus coniicio identidem
 20. infaustos in uteros daemoniacos. Daemoniaco utero inclusi,
 dementes, e generatione in generationem, me haud nacti
 quidem, Kuntidis nate, denique infimam viam ingrediuntur.
 21. Triplex inferni ea est porta, qua semet ipsos pessumdant:
 libido, iracundia, nec non avaritia, idcirco istam triadem quis
 22. devitet. Hisce liberatus vir, Kuntidis nate, caliginis por-
 tis tribus, sectatur suam salutem, deinde viam supremam in-
 23. greditur. Qui, legis scriptae praeceptis neglectis, vitam
 degit ad libidinis arbitrium, is neque consummationem ad-
 24. ipiscitur, nec felicitatem, nec viam supremam. Igitur lex
 scripta auctoritas tibi *esto* in rerum agendarum vel omittenda-
 rum discrimine. Cognito legis scriptae praeceptis imperato
 opere, peragere istud heic te decet.

LECTIO XVII.

ARJUNAS *loquitur*:

1. Qui, legis scriptae praeceptis neglectis, sacra faciunt
 fide imbuti: quaenam horum est statio, o Krishna? utrum es-
 sentia, an impetus vel caligo?

ALMUM NUMEN *loquitur*:

2. Triplex existit fides mortalium. Nascitur ea e cuiusque
 indole: essentialis, nec non impetuosa, et caliginosa. Hanc